

LES/ PROPHEITIES/ DE M. MICHEL / NOSTRADAMUS / A LYON, / Chés
Macé Bonhomme / M.D.LV. / La permifsion est inferée à la page fuiuante. / AVEC
PRIVILEGE.

Cote et fonds: B.ALBI : FONDS ROCHEGUDE 12426 R

LES
PROPHETIES
DE M. MICHEL
NOSTRADAMVS.



A LYON,
Chez Macé Bonhomme.
M. D. LV.

La permission est insérée à la page suivante.

AVEC PRIVILEGE.

Extrait des registres de la
Seneschaucée de Lion.

S V R C E que *Macé Bonhomme Imprimeur* demeurant à *Lyon*, ha dict auoir recouuert certain liure, intitulé, *LES PROPHEITIES DE MICHEL NOSTRADAMVS*, qu'il feroit volentiers imprimer s'il nous plaisoit, luy permettre ce requerã: & ouire ce defenses estre faiçtes à tous Imprimeurs & autres de ne l'imprimer, nu faire imprimer de deux ans. Et apres que le dict liure ha esté par nous veu en aucüs points d'iceluy & que le dict *Macé Böhöme* ha affermé en tout icelui liure n'auoir aucune chose concernant la foy prohibée. Auons, ouy sur ce le procureur du Roy permis, & permetons au dict *Macé Bonhomme* de pouoir imprimer, & faire imprimer le dict liure. Et si auons faiçt defenses de par le Roy à tous imprimeurs d'icellui n'imprimer dès deux ans à conter du iour & date de la presente à peine de confiscation desdicts liures: et d'amende arbitraire.

Faiçt à *Lyon* par nous *Hugues du Puis*, seigneur de la *Mothe*, Conseillier du Roy, & Lieutenant particulier en la *Seneschaucée* de *Lyon*: le dernier iour d'*April*, l'an mil cinq cents cinquante cinq.

Collation faiçte.

Signé,

Du Puis.

J. Croppet.



P R E F A C E

D E M. M I C H E L

N O S T R A D A M V S

à ses Propheties.

Ad Casarem Nostradamum filium

V I E E T F E L I C I T E.



ON TARD aduenement
CESAR NOSTRADAME
mon filz, m'a fait mettre mon
long temps par continuelles
vigilations nocturnes reserer
par escript, toy delailier me-
moire, apres la corporelle extinction de ton
progeniteur, au commun profit des humains
de ce que la Diuine essence par Astronomi-
ques reuolutions m'ont donee congnoissan-
ce. Et depuis qu'il a plu au Dieu immortel

A ij

que tu ne soys venu en naturelle lumiere dans
cette terrene plaige, & ne veulx dire tes ans
qui ne sont encores accompaignés, mais tes
moys Martiaux incapables à recepuoir dans
ton debile entendement ce que ie seray con-
trainct apres mes iours desiner: veu qu'il n'est
possible te laisser par escript ce que seroit par
l'iniure du temps oblittere: car la parolle here-
ditaire de l'occulte prediction sera dans mon
estomach intercluse: consyderant aussi les ad-
ventures de l'humain desinement estre incer-
taines: & que le tout est regi & guberné par la
puissance de Dieu ineximable, nous inspirât
non par bacchâte fureur, ne par lymphatique
moueuement, mais par astronomiques asser-
tions, *Soli numine diuino afflari presagiunt, &
spiritu propheticoparticularia.* Combien que de
longs temps par plusieurs foys i'aye predict
long temps au-parauant ce que depuis est ad-
uenu & en particulieres regions, attribuant le
tout estre fait par la vertu & inspiration diui-
ne & autres felices & sinistres aduentures de
accelerée promptitude prenoncées, que des-
puis sont aduenues par les climats du monde
aiauz voulu taire & delaisé pour cause de
l'iniu

l'iniure, & non tant seulement du teps present, mais aussi de la plus grande part du futur, de meire par escrit, pource que les regnes sectes & religions seront changes si opposites, voyre au respect du present diametralement, que si ie venoys à referer ce que à l'aduenir sera, ceux de regne, secte, religion, & soy troueroient si mal accordant a leur fantasie auriculaire, qu'il viendroent à damner ce que par les siecles aduenir on congnoitra estre veu & apperceu: Consyderant aussi la sentence du vray Sauueur, *Nolite sanctum dare canibus, nec mittat margaritas ante porcos ne conculcēt pedibus & conuersi dirumpant vos.* Qui a esté la cause de faire teurer ma iangue au populaire, & la plume au papier: puis me suis voulu estendre declarant pour le comuiun aduenement par obstrutes & perplexes sentences les causes futures, meimes les plus vrgentes, & celles que i'ay apperceu, quelque humaine mutation que aduienne ne scandalizer l'auriculaire fragilité, & le tout escrit sous figure nubileuse, plus que du tout prophetique: combien que, *Abcondisti haec à sapientibus, & prudentibus, id est potensibus & regibus, & enucleasti ea exi-*

quis & tenuibus, & aux Prophetes: par le moyé de Dieu immortel, & des bons anges ont receu l'esprit de vaticination, par lequel ilz voyent les causes loingtaines, & viennent à preuoyr les futurs aduenementz, car rien ne se peut paracheuer sans luy, auquelz si grande est la puissance & la bonté aux subiectz que pendant qu'ilz demeurent en eulx, toutesfois aux autres effectz subiectz pour la similitude de la cause du bon genius, celle chaleur & puissance vaticinatrice s'approche de nous: comme il nous aduient des rayons du soleil, qui se viennent getants leur influence aux corps elementeres, & nó elementeres. Quant à nous qui sommes humains ne pouuons rien de nostre naturelle cognoissance, & inclination d'engin congnoistre des secretz obstrués de Dieu le createur, *Quis non est nostrum noscere tempora, nec momenta & c.* Combien que aussi de present peuuent aduenir & estre personaiges que Dieu le createur aye voulu reueler par imaginatiues impressions, quelques secretz de l'aduenir accordés à l'astrologie iudicielle, comme du passé, que certaine puissance & volontaire faculté venoit par eulx, comme

me flambe de feu apparoir, que luy inspirant on venoit à iuger les diuines & humaines inspirations. Car les œuures diuines, que totalement sont absoluës, Dieu les vient paracheuer: la moyenne qui est au milliou, les anges: la troisieme, les mauuais. Mais mon filz ie te parle icy vn peu trop obstrusement: mais quant aux occultes vaticinations que lon vient à receuoyr par le subtil esperit du feu qui quelque foys par l'entendement agité contemplant le plus hault des astres, comme estant vigilant, mesmes que aux prononciations estant surprins escrits prononceant sans crainte moins ainct d'inuerecûde loquacitè: mais quoy? tout procedoit de la puillance diuine du grand Dieu eternal, de qui toute bontè procede. Encores mon filz que i'aye inseré le nom de prophete, ie ne me veux atribuer tilre de si haulte sublimite pour le tēps present: car qui *propheta dicitur hodie, olim vocabatur videns*: car prophete proprement mon filz est celuy qui voit choses loingtaines de la cognoissance naturelle de toute creature. Et cas aduenāt que le prophete moyeāt la parfaicte lumiere de la ,ppheue luy appaire manifeste-

ment des choses diuines, comme humaines: que ne ce peut fayre, veu les effectz de la future prediction s'estendat loing. Car les secretz de Dieu sont incomprehensibles, & la vertu effectrice contingent de longue estendue de la cōgnissance naturelle prenēt son plus prochain origine du liberal arbitre, fait aparoir les causes q d'elles mesmes ne peuuent aquerir celle nouce pour estre cognuēs ne par les humains augures, ne par autre cōgnissance ou vertu occulte cōprinse tousz la concavité du ciel, melmes du faict present de la totale eternité que vici en luy embrasser tout le tēps. Mais moiennant quelque induisibile eternité par comitiale agitation Hiracliene, les causes par le celeste mouuemēt sont cognuēs. Je ne dis pas mon ātz, affin que bien l'emēdes, que la cōgnissance de cette matiere ne se peut encores imprimer dans ton debile cerveau, que les causes futures bien loingtaines ne soient à la cōgnissance de la creature raisonnable: si sont nonobstant bonement la creature de l'ame intellectuelle des causes presentes loingtaines, ne luy sont du tout ne trop occultes ne trop releues: mais la parfaite des causes
noū

notice ne se peult aquerir sans celle diuine inspiration: veu que toute inspiration prophetique reçoit prenant son principal principe mouant de Dieu le createur, puis de l'heur, & de nature. Parquoy estans les causes indifferantes, indifferenement produictes, & non produictes. le prelaige parue aduiēt, ou à esté predict. Car l'ētēdemēt creē intellectuēllemēt ne peult voir occultemēt, sinō par la voix faite au lymbe moyennant la exigue flamme en quelle partie les causes futures se viēdrōt à incliner. Et aussi mō filz ie te supplie que iamais tu ne vueilles éploier tō entēdemēt à telles reueries & vanites qui seichent le corps & mettent à perdition l'ame, dōnant trouble au foyble sens: mesmes la vanité de la plus que execrable magie reprobuée iadis par les sacrées escriptures, & par les diuins canons: au chef duquel est excepté le iugement de l'astrologie iudicielle: par laquelle & moyennant inspiration & reuelation diuine par cōtinuelles veilles & supputations, auons noz prophetes redige par escript. Et combien que celle occulte Philosophie ne fust reprobuée, n'ay onques volu presonter leurs effrenées persuasiōs:

B

combien que plusieurs volumes qui ont esté
cachés par longs siècles me sont esté manifestés.
Mais doutant ce qui aduendroit en ay
faict, apres la lecture, present à Vulcan, que
pendant quil les venoit à deuorer, la flamme
leschant l'air rendoit vne clarté insolite,
plus claire que naturelle flamme, comme lu-
miere de feu de clyltre fulgurant, illuminant
subit la maison, comme si elle fust esté en su-
bite cōflagration. Parquoy afin que à l'auenir
ni feusses abusé prescrutâr la parfaite trâlfor-
mation tant seline que solaire, & soubz terre
metaulx incorruptibles, & aux vndes occul-
tes, les ay en cendres conuertis. Mais quant au
iugement qui se vient paracheuer moyennant
le iugement celeste cela te veulx ie manife-
ster: parquoy auoir congnoissance des causes
futures reiectant loing les fantastiques imagi-
natiōs qui aduendrōt, limitant la particularité
des lieux par diuine inspirations supernatu-
relle accordâr aux celestes figures, les lieux, &
vne partie du temps de proprieté occulte par
vertu, puissance & faculté diuine: en presence
de laquelle les troys temps sont comprins par
eternité, reuolution tenant à la cause passée,
presen

presente, & future: *quia omnia sunt nuda & aperta &c.* Parquoy mon filz, tu peulx facilement nonobstant ton tendre cerueau, comprendre que les choses qui doiuent auenir se peuuent prophetizer par les nocturnes & celestes lumieres, que sont naturelles, & par l'esprit de prophetie: non que ie me vueille attribuer nomination ni effect prophetique, mais par reuêlée inspiration, comme homme mortel estoigné non moins de lens au ciel, que des piedz en terre, *Possum non errare, falli. decipi.* Iuis pecheur plus grand que nul de ce monde, subiect à toutes humaines afflictions. Mais estant surprins par foys la sepmaine lymphatiquant, & par longue calculaion rendant les estudes nocturnes de souefue odeur, j'ay composé liures de propheties cōtenant chascū cēt quatrains astronomiques de propheues, lesquelles j'ay vn peu voulu raboter obscurément: & sont perpetuelles vaticinations, pour d'yci a l'an 3797. Que possible sera reurer le frôt à quelques vns en voyant si longue extension, & par souz toute la concauité de la Lune aura lieu & intelligence: & ce entendent vniuersellement par toute la terre, les causes mon filz. Que si tu


is l'vaage naturel & humani, tu verras deuers
ton climat au propre ciel de ta natiuité les futu
res auantures preuoyr. Combien que le seul
Dieu eternal, soit celuy seul qui congnoit l'e
ternité de la lumiere, procedât de luy mesmes:
& ie dis franchemēt que à ceux à qui sa magni
tude immense, qui est sans mesure & incōpre
hensible, ha voulu par lōgue inspiration melā
chologique reueler, que moyennant icelle cause
occulte manifestée diuinemēt, principalemēt
de deux causes principales qui sont cōprinſes
à l'entendemēt de celui inspiré qui propheteise
l'vne est que vient à infuser, esclarcissant la lu
miere supernaturelle au personnage qui pre
dit par la doctrine des astres, & propheteise par
inspirée reuelation: laquelle est vne certe par
ticipation de la diuine eternité: moyennant le
prophete viēt à iuger de cela que son diuin espe
rit luy ha donné par le moyen de Dieu le crea
teur, & par vne naturelle instigation: cest assa
uoir que ce que predict, est vray, & a prins son
origine etheréement: & telle lumiere & flam
be exigue est de toute efficace, & de telle altitu
de: non moins q̄ la naturelle clarté & naturel
le lumiere rend les philosophes si assurez que
mo yen

moyennast les principes de la premiere cause
ont attainst à plus profondes abysses de plus
haute doctrine . Mais à celle fin, mon filz, que
ie ne vague trop profondement pour la capa-
cité futur: de ton sens , & aussi que ie trouue
que les lettres seront si grãde & incomparable
iacture, que ie treuve le monde auant l'vniuer-
selle conflagration aduenir tant de deluges &
si hautes inundations, qu'il ne sera gueres ter-
roir qui ne soit couuert d'eau : & sera par si
lõg temps que hors mis enographies & topo-
graphies, que le tout ne soit perri: aussi auant tel-
les & apres inundations, en plusieurs contrées
les pluies seront si exigues , & tombera du ciel
si grande abondance de feu , & de pierres can-
dentes, que ni demourra rien qu'il ne soit con-
summé : & ceci auenir, & en brief, & auant la
derniere cõflagration. Car encores que la pla-
nette de Mars paracheue son siecle, & à la fin
de son dernier periode, si le reprendra il : mais
assemblés les vns en Aquarius par plusieurs an-
nées, les autres en Cancer par plus longues &
continues. Et maintenãt que sommes cõcluidts
par la Lune, moyennant la totale puissance de
Dieu eternal, que auant qu'elle aye paracheué

son total circuit, le soleil viendra, & puis Saturne. Car selon les signes celestes le regne de Saturne sera de retour, que le tout calculé, le mode s'approche, d'une anaragonique reuolutiō: & que de present que ceci i'escrictz auât cent & septâte sept ans troys moys vnze iours, par pestilence, longue famine, & guerres, & plus par les inundations le monde entre cy & ce terme prefix, auant & apres par plusieurs soys, sera si diminué, & si peu de monde sera, que lon ne trouuera qui vucille prendre les champs, qui deuiendront libres aussi longuement qu'ilz sont estés en seruitude: & ce quant au visible iugement celeste, que encores que nous soyons au septiesme nombre de mille qui paracheue le tout, nous approchant du huietieme, ou est le firmamēt de la huietieme sphere, que est en dimension latitudinaire, ou le grand Dieu eternal viendra paracheuer la reuolution: ou les images celestes retournerōt à se mouuoir, & le mouuement superieur qui nous rend la terre stable & ferme, *non inclinabitur in seculum seculi*: hors mis que quand son vouloir sera accompli, ce sera, mais non point autrement: combien que par ambigues opinion

nions excédants toutes raisons naturelles par songes Machometiques, aussi aucune fois Dieu le createur par les ministres de ses messagers de feu en flamme misive vient à proposer aux sens extérieurs, mesmemēt à nos yeulx, les causes de future predictiō significatrices du cas futur, qui se doibt à celui qui presaigne manifester. Car le presaigne qui se fait de la lumiere extérieure vient infalliblement à iuger partie avecques & moyennant le lome extérieur: cō bien vrayemēt que la partie qui semble auoir par l'œil de l'entendement, ce que n'est par la lētion du sens imaginatif: la raison est par trop euidente, le tout estre predict par afflation de diuinité, & par le moyen de l'esprit angelique inspiré à l'homme prophetisant, rendāt oinctes de vaticinations, le venant à illuminer, luy esmouuant le deuant de la phantasie par diuerses nocturnes aparitiōs, q̄ par diurne certitude pphetise par administratiō astronomicque, cō ioincte de la sanctissime future prediction, ne cōsistāt ailleurs q̄ au courage libre. Viēt asture entēdre mo fitz, que ie trouue par mes reuolutions que sont accordantes à reuellée inspiration, que le mortel glaiue s'aprouche de nous pour asture par peste, guerre plus horrible que

à vie de trois hōmes n'a esté, & famine, lequel
tombera en terre, & y retournera louuēt, car
ies astres s'accordēt à la reuolutiō: & auisi adit
*Visitabo ī virga ferrea iniquitates eorū, & ī verberi
bus percutiā eos.* car la misericorde du seigneur
ne sera poict dispergée vn tēps mō filz, que la
plus part de mes propheties serōt acōplies, &
viendrōt estre par accōplimēt reuoluēs. Alors
par plusieurs foys durāt les sinistres tēpestes,
Conteram ergo dira le Seigneur, *& cōfringam, &
non miserebor:* & mille autres auātures qui auē
drōt par eaux & cōtinuelles pluies, cōme plus
à plain i'ay redigé par escript aux miennes au
tres propheties qui sont cōposées tout au lōg,
in soluta oratione, limitāt les lieux, tēps, & le ter
me prefix que les humains apres venus, verrōt
cognoissants les auentures auenues infallible
mēt, cōme auōs noté par les autres, parlās plus
clairemēt: nōobitāt que sous nuée serōt cōpri
les les intelligēces: *sed quādo submouēda erit igno
rātia,* le cas sera plus esclarci. Faisāt fin mō filz,
prés dōc ce dō de tō pere M. Nostradamus, e
sperāttoy declarer vne chalcune prophetie
des quatrainz ici mis. Priāt au Dieu immortel
qui te veuille prester vie longue en bonne &
prosperre felicite. De Saló ce j. de Mars 1555



PROPHETIES
DE
M. NOSTRADAMVS.

CENTURIE PREMIERE.

228

LESTANT assis de nuit se-
cret estude,
Seul repose las la tete d'ar-
rain,
Flambe exigue sortant de
solitude,
Fait proferes qui n'est a croire vain.

L'averge en mai mise au milieu de BRANCHES
De l'onde il mouille & le limbe & le pied.
Un peur & voix fremissent par les manches,
Splendeur diuine. Le diuin pres s'assied

a

- 3 Quand la liètiere du tourbillon versée,
Et seront faces de leurs manteaux couuers,
La republique par gens nouueaux vexée,
Lors blancs & rouges iugeront à l'enuers.
- 4 Par l'vniuers sera fait vng monarque,
Qu'en paix & vie ne sera longuement:
Lors se perdra la piscature barque,
Sera regie en plus grand detrimement.
- 5 Chassés seront sans faire long combat
Par le pays seront plus fort greués:
Bourg & cité auront plus grand debar,
Carcas. Narbone auront cueurs esproués.
- 6 L'œil de Rauenne sera destitué,
Quand à ses pieds les aelles fallliront,
Les deux de Bressè auront constitué
Turin, Verfeil que Gauloys fouleront.
- 7 Tard arriué l'execution faicte
Le vent contraire, lettres au chemin prinfes
Les coniuers. xiiij. d'une secte
Par le Rosseau senez les entreprinfes.

Combien

- 8 Combien de foys prinse cité folaire
 Seras, changeant les loys barbares & vaines.
 Ton mal s'aproche: Plus teras tributaire
 La grand Hadrie reourira tes veines.
- 9 De l'Orient viendra le cueur Punique
 Facher Hadrie & les hoirs Komulides,
 Acompaigne de la classe Libyque,
 Trembler Mellites: & proches illes vuides.
- 10 Serpens transmis dens la caige de fer
 Ou les enfans leptains du roy sont pris:
 Les vieux & peres sortiront bas de l'enfer,
 Ains mourir voir de son fruit mort & crys.
- 11 Le mouuemēt de sens, cueur, pieds, & mains
 Seront d'accord. Naples, Leon, Secille,
 Glaisues, feus, eaux: puis aux nobles Romais
 Plongés, tués, mors par cerueau debile.
- 12 Dans peu dira faulce brute, fragile,
 De bas en hault elleué promptement:
 Puy en instant desloyale & labile
 Qui de Veronne aura gouuernement.

- 13 Les exiles par ire, haine intestine,
Feron au roy grand coniration:
Secretmettront ennemis par la mine,
Et les vieux siens contre eux ledition.
- 14 De gét esclave chantons, châtz & requestes,
Captifs par princes & seigneur aux pritons:
A l'auenir par idiots sans lettres
Seront receus par diuins oraisons.
- 15 Mars nous menallé par la force bellique
Septante foys fera le sang espandre:
Auge & ruyne de l'Ecclesiastique
Et plus ceux qui d'eux ne voudrôt entendre.
- 16 Faulx a l'estang ioinct vers le Sagitaire
Enton hault A V G E de l'exaltation,
Peste, famine, mort de main militaire:
Le siecle approche de renouation.
- 17 Par quarante ans l'Iris n'aparoiſtra,
Par quarante ans tous les iours sera veu:
La terre aride en sicciré croistra,
Et grands deluges quand sera aperceu.

Par

- 18 Par la discorde negligence Gauloyse
 Serapallage a Manomet ouuert:
 De sang trempé la terre & mer Senoyse
 Le port Phocen de voiles & nets couuert.
- 19 Lors que serpens viendront circuir l'are,
 Le sang Troien vexé par les Hespaignes
 Par eux grand nombre en sera faict rare,
 Chief, fuyct cache aux mares dās les laignes.
- 20 Tours, Orleās, Bloys, Angiers, Reīs, & nātes
 Cités vexees par lunt changement:
 Par langues estrages seront tendues tentes
 Fluues, dards Reies, terre & mer tréblemēt.
- 21 Profonde argille blanche nourrir rochier,
 Qui d'vn abytime ultra l'atrocineule,
 En vain troubles ne l'oseront toucher
 Ignorants estre au fond terre argilleuse.
- 22 Ce que viura & n'aura aucun sens,
 Viendra leser à mort son artificie:
 Autun, Chalon, Langres & les Jeux Sens,
 La greille & glace fera grand maletie.

- 23 Au mois troisieme se leuant le soleil,
Sanglier, liepard au châp mars pour cōbarre.
Liepard laisse au ciel extend son œil,
Vn aigle autour du soleil voyt s'esbarre.
- 24 A cité neufue pensif pour condemner,
Loyiel de proye au ciel se vient offrir:
Après victoire a captifs pardonner,
Cremœe & Mātoue grâds maux aura souffert
- 25 Perdu, trouué, caché de si long siecle
Sera pasteur demi dieu honore,
Ains que la lune acheue son grand cycle
Par autres veux sera deshonore.
- 26 Le grand du fouldre tombe d'heure diurne,
Mal & predict par porteur postulaire
Suiuant presaigne tombe d'heure nocturne,
Conflu Reins, Londres, Etrusque pestifere.
- 27 Desoubz de chaine Guien du ciel frappe,
Non loing de la est caché le tresor,
Qui par longs siecles auoit este grappé,
Trouue moura: l'œil creué de ressort.

La

- 29 La tour de Bouq gandra fuste Barbare,
 Vn tēps lōg temps apres barque hesperique,
 Bestail, gēs, meubles tousdeux serōt grāt rare
 Taurus & Libra quelle mortelle picque!
- 29 Quand le poisson terrestre & aquatique
 Par forte vague au grauier sera mis,
 Sa forme estrange suauē & horrifique,
 Par mer aux murs bien tost les ennemis.
- 30 La nef estrange par le tourment marin
 Abourdera pres de port incongneu,
 Nonobstant signes de rameau palmerin
 Apres mort, pille: bon auis tard venu.
- 31 Tant d'ans les guerres en Gaule du reront,
 Oultre la course du Castulon monarque,
 Victoire incerte trois grands couronneront
 Aigle, coq, lune, lyon, soleil en marque.
- 32 Le grand empire sera tost translaté
 En lieu petit qui bien tost viendra croistre:
 Lieu bien infime d'exigue comté
 Ou au milieu viendra poser son sceptré

- 33 Prés d'un grant pont de plaine spatieuse,
Le grand lyon par forces Cesarées
Fera abbaire hors cité rigoureuse,
Par estroy portes luy seront referées.
- 34 L'oyseau de proye volant a la fenestre
Auant conflict fait aux francoys pareure
L'un bon prendra, l'un ambigue finistre,
La partie foible tiendra par bon augure.
- 35 Le lyon ieune le vieux surmontera,
En champ bellique par singulier duelle,
Dans cage d'or les yeux luy creuera:
Deux classes vne puis mourir, morte cruelle.
- 36 Tard le monarque le viendra repentir
De n'auoir mis a mort son aduersaire:
Mais viendra bien a plus hault contenir
Que tout son sang par mort sera defaire.
- 37 Vng peu deuant que le soleil se l'ense
Conflict donne, grand peuple dubieux:
Profiliges, port main ne fait responce,
Pont & sepulchre en deux estranges lieux.

Le

38 Le Sol & l'aigle au victeur paroistront:
Responce vaine au vaincu l'on asseure,
Par corne & crys harnoyz n'arresteront
Vindictte, paix par mort si acheue à l'heure.

39 De nuict dans liêt le suprefme estrangle
Pour trop auoir subourné, blond elleu,
Par troys l'empire subroge exacle,
À mort mettra carte, paquet ne leu.

40 La trombe faulte disimulant folie
Fera Balance vn changement de loys:
Hytra d'Égypte qui veut que l'on deslie
Edict changeant monnoyes & aloys.

41 Siege en cre, & de nuict assaillie,
Peu elchapes non loing de mer confliêt.
Femme de ioye, retours filz defaillie
Poison & lettres cachées dans le pie.

42 Le dix Kalendes d'April de fai & Gotique
Refusite encor par gens malins:
Le feu estainct, assemblée diabolique
Cherchant les or du d'Amant & Plelyn.

Auant qu'auienne le changement d'empire,
Il auindra vn cas bien merueilleux,
Le champ mué, le pilier de porphyre
Mis, transtaté sus le rochier noilleux.

44 En brief seront de retour sacrifices,
Contreuenants seront mis à martyre:
Plus ne seront moines abbés ne nouices:
Le miel sera beaucoup plus cher que cire.

45 Secteur de sectes grand preme au delateur:
Beste en theatre, dressé le ieu scenique:
Du faict antique ennoblí l'inuenteur,
Par sectes monde confus & scismatique.

46 Tout aupres d'Aux, de Lectore & Mirande
Grand feu du ciel en troys nuits tombera:
Cause auindra bien stupende & mirande:
Bien peu apres la terre tremblera.

47 Du lac Lemán les sermons facheront:
Des iours seront reduicts par les sepmaines,
Puis mois, puis an, puis tous deffailliront,
Les magistrats damneront leur loys vaines.

Vingt

- 48 Vingt ans du regne de la lune passés
 Sept mil ans autre tiendra sa monarchie:
 Quand le soleil prendra ses iours lassés
 Lors accomplir & mine ma prophetic.
- 49 Beaucoup beaucoup auant telles menées
 Ceux d'Orient par la vertu lunaire
 Lan mil sept cent feront grand emmenées
 Subiugant presque le coing Aquilonaire.
- 50 De l'aquarique triplicité naistra
 D'vn qui fera le iedy pour sa feste:
 Son bruit, loz, regne, sa puissance croistra,
 Par terre & mer aux orientz tempeste.
- 51 Chef d'Aries, Iuppiter & Saturne,
 Dieu eternal quelles mutations!
 Puis par l'og siecle son maling iéps retourne,
 Gaule & Itale quelles esmouions!
- 52 Les deux malins de Scorpion conioints,
 Le grand seigneur meurtri dedans la salle:
 Peste à l'eglise par le nouveau roy ioint,
 L'Europe basse & Septentrionale

- 53 Las qu'on verra grand peuple tormenté
 Et la loy sainte en totale ruine
 Par autres loyx toute Chrestienté,
 Quand d'or d'argent trouue nouvelle mine.
- 54 Deux reuolts faits du malin faulxere,
 De regne & siecles fait permutacion:
 Le mobil signe à son endroit si ingere
 Aux deux egaux & d'inclination.
- 55 Sous l'opposite climat Babylonique
 Grande sera de sang effusion,
 Que terre & mer, air, ciel sera inique:
 Sectes, faim, regnes, pestes, confusion.
- 56 Vous verres tost & tard faire grand change
 Horreurs extremes, & vindications,
 Que si la lune conduite par son ange
 Le ciel s'approche des inclinations.
- 57 Par grand discord la trombe tremblera.
 Accord rompa crestant la selle au ciel:
 Bouche sanglante dans le sang nagera:
 Au sol sa face ointe de lait & miel.

58 Trenché le ventre, naistra avec deux testes,
Et quatre bras: quelques an s entier viura:
Iour qui Alquilloye celebrera les festes
Fouisan, Turin, chiel Ferrare iuyura.

59 Les exiles deportés dans les illes
Au chāgement d'vng plus cruel monarque,
Seront meurrys: & mis deus des icintilles
Qui de parler ne seront estes parques.

60 Vn Empereur naistra pres d'Italie,
Qui a l'Empire sera vendu bien cher,
Diront avecques quels gens il le ralie
Qu'on trouuera moins prince que boucher.

61 La republique miserable infelice
Sera vassée du nouueau magistrat:
Leur grand amas de l'exil malefice
Sera Sueue raur leur grand contract.

62 La grande perte las que feront les lettres:
Avant le cicle de Latona parfaict,
Feu, grand deluge plus par ignares sceptres
Que de long siecle ne se verra refaict.

- 63 Les fleaux passés diminue le monde
Long temps la paix terres inhabitées
Seur marchera par ciel, terre, mer, & onde:
Puis de nouveau les guerres suscitées.
- 64 De nuit soleil penseront auoir veu
Quand le pourceau demy-homme on verra,
Bruict, chant, bataille, au ciel batre aperceu
Et bestes brutes a parler lon orra.
- 65 Enfant sans mains iamais veu si grand foudre:
L'enfant royal au ieu d'œsteuf blessé.
Au puy brutes: fulgures alant mouldre:
Trois sous les chaines par le milieu trousés:
- 66 Celui qui lors portera les nouvelles,
A pres vn peu il viendra respirer.
Viuiers, Tournon, Môt ferrant & Pradelles,
Gresse & tempestes les fera soupirer.
- 67 La grand famine que ie sens approcher,
Souuent tourner, puis estre vniuerselle,
Si grande & longue qu'on viendra arracher
Du bois racine, & l'enfant de mammelle.
O quel

- 68 O quel horrible & malheureux torment
Troys innocens qu'on viendra à liurer.
Poyson suspecte, mal garde tradiment
Mis en horreur par bourreaux enyurés.
- 69 La grand montaigne ronde de sept estades,
Après paix, guerre, faim, inundation,
Roulera loing abyssant grands contrades,
Mesmes antiques, & grand fondation.
- 70 Pluie, faim, guerre en Perse non celsée
La foy trop grande trahira le monarque,
Par la finie en Gaule commencée:
Secret augure pour à vng estre parque.
- 71 La tour marine troys foys prise & reprise
Par l'Espagnols, barbares, Ligurins:
Marseille & Aix, Arles par ceux de Pise
Vast, feu, ser, pillé Avignon des Thurins.
- 72 Du tout Marseille des habitans changée,
Course & poursuite iulques au pres de Lyō.
Narbō. Tholoze par Bourdeaux outragée:
Tués captifz presque d'un milion.

73 France à cinq pars par neglect assulie
Tunys, Argiels esineus par Persiens,
Leon, Seuille, Barcelonne faille
N'aura la clalle par les Venitiens.

74 Apres sejourne vogueront en Epire:
Le grand secours viendra vers Antioche,
Le noir poil creste tendra fort à l'empire:
Barbe d'ærain le roultira en broche.

75 Le tyran Siene occupera Sauone:
Le fort gagné tiendra clalle marine:
Les deux armées par la marque d'Ancone
Par esiraieur le chef s'en examine.

76 D'un nom farouche tel proferé sera,
Que les troys seurs auront fato le nom:
Puis grand peuple par langue & faict durra
Plus que nul autre aura bruit & renom.

77 Entre deux mers dressera promontoire
Que puis mourra par le mors du cheual:
Le sien Neptune pliera voyle noire,
Par Calpre & clalle aupres de Rocheual.

D'un

78 D'un chef viellard naistra sens henete,
Degenerant par l'auoir & par armes
Le chef de France par sa sœur redouté:
Champs diuisés, concedes aux gendarmes.

79 Baraz, Lestore, Condon, Aulch, & Agine
Limous par loys, querelle & monopole.
Car Bourd. Thonhouze Bay, mettra en ruine
Renouuelier voulant leur tauropole.

80 De la sixiesme claire splendeur celeste
Viendra tonner si fort en la Bourgoigne:
Puis naistra monstre de tres hideule beste.
Mars, apiril, May, luig grād charpi & rōgne.

81 D'humain troupeau neuf seront mis a part
De iugement & conseil separés:
Leur sort sera diuisé en depart
Xez. Ohica a amoda mors, bannis esgarés.

82 Quand les colonnes de bois grande tréhiée
D'Auster conduite couuerte de rubriche
Tant vuidera dehors grand assemblée,
Trembler Vienne & le pais d'Autriche.

- 83 La gent estrange diuisera butins,
Saturne en Mars son regard furieux:
Horrible strage aux Tolquans & Latins,
Grecs, qui seront à frapper curieux.
- 84 Lune obscurcie aux profondes tenebres,
Son frere passe de couleur ferrugine:
Le grand cache long temps sous les latebres,
Tiedera fer dans la plaie sanguine.
- 85 Par la responce de dame, roy trouble:
Ambadassadeurs melpriseront leur vie:
Le grand ses freres contre fera double
Par deus mourront, ire, haine, enuie.
- 86 La grande royne quand se verta vaincu,
Fera excès de masculin courraige:
Sus cheual, fluue passera toute nue,
Suite par fer: à foy fera outrage.
- 87 Ennofigée feu du centre de terre
Fera trembler au tour de cité neufue:
Deux grādsrochiers lōg tēpsferont la guerre
Puis Arethusa rougira nouveau fleuve.

Le diuin

- 88 Le diuin mal surprendra le grand prince
Vn peu deuant aura femme espouſée,
Son puy & credit à vn coup viendra mince,
Conſeil mourra pour la teſte rasée.
- 89 Tous ceux de Ille de ſerôt dedans Moſſelle,
Metans a mort tous ceux de Loyre & Seine:
Secours marin viendra pres d'haulte velle
Quand Heſpagnols ouurira toute veine.
- 90 Bourdeaux, Poitiers, au ſon de la campane'
A grande claſſe ira iuſques à l'Angon,
Contre Gauloys fera leur tramontane,
Quand môſtres hideux naiſtra pres de Orgon.
- 91 Les dieux feront aux humains apparence,
Ce qu'ils feront auteurs de grand conflit:
Auant ciel veu ſerain eſpée & lance,
Que vers main gauche ſera plus grand afflit
- 92 Sous vn la paix par tout ſera clameé,
Mais non long temps pille & rebellion,
Par refus ville, terre & mer entamée,
Morts & captifz le tiers d'vn milion.

- 93 Terre Italique pres des monts tremblera,
Lyon & cog non trop confederes,
En lieu de peur l'un l'autre aidera
Seul Gallulon & Celtes moderés.
- 94 Au port Selin le tyran mis à mort
La liberté non pourtant recourée:
Le nouveau Mars par vindiète & remort:
Dame par force de frayeur honorée.
- 95 Deuant monstier trouué enfant belion
D'heroic sang de moine & vestutisque:
Son bruit par secte langue & puissance son
Qu'on dira fort eleué le vopisque.
- 96 Celui qu'aura la charge de destruire
Temples, & sectes, changés par fantasie,
Plus aux rochiers qu'aux viués viédra nuire
Par langue ornée d'oreilles ressaillies.
- 97 Ce que fer flamme n'asceu paracheuer,
La douce langue au conseil viendra faire.
Par repos, songe, le roy fera resuer.
Plus l'ennemi en feu, sang militaire.

Le chef

98 Le chef qu'aura conduit peuple infini
Loing de son ciel, de meurs & l'age estrage:
Cinq mil en Crete & Theffale fin,
Le chef fuyant lauué en marine grange.

99 Le grand monarque que fera compaignie
Auecq deux roys vnis par amitié:
O quel fouspir fera la grand mesnie:
Enfants Narbon à l'entour quel piue!

100 Long temps au ciel sera veu gris oiseau
Au pres de Dole & de Tousquane terre,
Tenant au bec vn verdoiant rameau,
Mourra tost grand, & finira la guerre.

c iij






PROPHETIES
DE
M. NOSTRADAMVS.

CENTVRIE SECONDE.



1 ERS Aquitaine par in-
sults Britanniques,
De par eux mesmes grandes
incurfions.
Pluies, gelees ferôt terroirs
iniques,
Port Selyn fortes fera inuafions.

2 La teste blue fera la teste blanche
Autant de mal que France a fait leur bien.
Mort a l'anthéne grand pédu fus la branche,
Quand prins des fiés le roy dira combien.

POUR

- 3 Pour la chaleur solaire sus la mer
 De Negreponc les poissons demis cuits:
 Les habitans les viendront entamer
 Qu'ad Rod. & Gennes leur faudra le biscuit
- 4 Depuis Monech iusques au pres de Secile
 Toute la plage demourra desolée,
 Il ny aura fauxbourg, cité, ne vile
 Que par Barbares pillée soit & vollée.
- 5 Qu'en dans poisson, fer & letre enfermée
 Hors sortira qui puy fera la guerre,
 Aura par mer sa classe bien ramée
 Apparoissant pres de Latine terre.
- 6 Aupres des portes & dedans deux cités
 Seront deux fleaux onques n'aperceu vn tel,
 Faim dedans peste, de fer hors gens boutés,
 Crier secours au grand Dieu immortel.
- 7 Entre plusieurs aux isles deportés
 L'vn estre nay à deux dens en la gorge
 Mourront de faim les arbres esbrotés
 Pour eux neuf roy nouel edict leur forge.

- 8 Temples sacrés prime façon Romaine
Reieteront les goffes fondements,
Prenant leurs loys premieres & humaines,
Chassant, non tout, des saints les cultements.
- 9 Neuf ans le regne le maigre en paix tiendra,
Puis il cherra en soif si sanguinaire:
Pour luy grád peuple sans foy & loy mourra
Tué par vn beaucoup plus de bonnaire.
- 10 Auant long temps le tout sera range
Nous esperons vn siecle bien seneître:
L'estat des masques & des seulz bien changé
Peu troueront qu'a son rang veuille estre.
- 11 Le prochain fils de l'asnier paruiendra
Tant esseué iusques au regne des fors,
Son aspre gloire vn chascun la craindra,
Mais ses enfants du regne getés hors.
- 12 Yeux clos, ouuerts d'antique fantasie
L'habit des seulz seront mis à neant,
Le grand monarque chastiera leur frenesie
Rauir des temples le tresor par deuant.

Le corps

- 12 Le corps sans ame plus n'estre en sacrifice.
 Jour de la mort mis en natiuité.
 L'esprit diuin fera l'ame felice
 Voiant le verbe en son eternité.
- 13 A. Tours, lean, garde serōt yeux penetrants
 Delcouriront de loing la grand sercyne,
 Elle & la suite au port seront entrants
 Combat, poulsés, puillance souueraine.
- 14 Vn peu deuant monarque trucidé?
 Castor Pollux en nef, astre crinite.
 L'erain publiq par terre & mer voidé
 Pise, Ast, Ferrare, Turin, terre interdite.
- 15 Naples, Palerme, Secille, Syracuses.
 Nouveaux tyrans, fulgures feuz celestes:
 Force de Londres, Gand, Brucelles, & Suses
 Grand hecatombe, triumphe, faire festes.
- 16 Le camp du temple de la vierge vestale,
 Non esloigné d'Ethne & monts Pyrenées:
 Le grand conduict est caché dens la male
 North. getés flues & vignes mastinées.

- 18 Nouvelle & pluie subite impetueuse
 Empelchera subit deux exercites.
 Pierre, ciel, feuz faire la mer pierreuse,
 La mort de lept terre & marin subites.
- 19 Nouveaux venus, lieu basti sans defense,
 Occuper place par lors inhabitable.
 Prez, maisons, chāps, villes prēdre a plaisir,
 Faim, peste, guerre, arpen long labourable.
- 20 Freres & seurs en diuers lieux capifs
 Se trouueront passer pres du monaque,
 Les contempler les rameaux ententifz,
 Desplaisāt voir mētō, frōt, nez, les marques.
- 21 L'embassadeur enuoyē par biremes
 A mi chemin d'incogneuz repoules:
 De sel renfort viendront quatre triemes,
 Cordes & chaines en Negre pont troufēs.
- 22 Le camp Afop d'Eurotte partira,
 S'adioignant proche de lisle submergēe:
 D'Arton classe phalange pliera,
 Nōbril du monde plus grād voix subrogēe.
 Palais,

- 23 Palais, oyseaux, par oyseau dechassé,
 Bien tost apres le prince preuenü,
 Combien qu'hors fleuve enemis repoulsé
 Dehors faisi trait d'oyseau soustenu.
- 24 Bestes farouches de faim flues tranner:
 Plus part du camp encontre Hister sera,
 En caige de fer le grand sera treisner,
 Quand R in enfant Germain obseruera.
- 25 La garde estrange trahira forteresse:
 Espoir & vmbre de plus hault mariage.
 Garde deceue, fort prinse dans la presse,
 Loyre, Son. Rosne, Gar. à mort outrage.
- 26 Pour la faueur que la cité fera
 Au gran qui tost perdra champ de bataille,
 Fuis le rang Po, The sin versera
 De sãg, feuz, morts, noyes de coup de taille.
- 27 Le diuin verbe sera du ciel frapé,
 Qui ne pourra proceder plus auant.
 Du referant le secret estoupé
 Qu'on marchera par dessus & deuant.

28 Le penultime du surnom du prophete
Prendra Diane pour son iour & repos:
Loing vaguera par frenetique teste,
Et deliurant vn grand peuple d'impos.

29 L'oriental sortira de son siege,
Passer les monts Apennins, voir la Gaule:
Transpercera du ciel les eaux & neige:
Et vn chascun frapera de sa gaule.

30 Vn qui les dieux d'Annibal infernaulx
Fera renaistre, effrayeur des humains
Oncq' plus d'horreurs ne plus pire journaux
Qu'auint viendra par Babel aux Romains.

31 En Campanie Casilin sera tant
Qu'õ ne verra que d'eaux les chãps couuerts
Deuant apres la pluye de long temps
Hors mis les arbres rien l'on verra de vert.

32 Laiët, sang, grenoilles escoudre en Dalmatie,
Contit donnè, peste pres de Balenne:
Cry sera grand par toute Esclauonie
Lors naitra monstre pres & dedans Rauène.

Par le

33 Par le torrent qui descent de Verone
Par lors qu'au Po guindera son entrée,
Vn grand naufrage, & nō moins en Garōne
Quāt ceux de Gēnes marcherōt leur côtrée.

34 L'ire insensée du combat furieux
Fera à table par freres le fer luire
Les despartir mort, blessé, curieux:
Le fier duelle viendra en France nuire.

35 Dans deux logis de nuit le feu prendra,
Plusieurs dedans estoufés & rostis.
Pres de deux fleuves pour seur il auindra
Sol, l'Arq, & Caper tous seront amortis.

36 Du grand Prophete les lettres serōt prinſes
Entre les mains du tyran deuiendront:
Frauder son roy seront ses entreprinſes,
Mais ses rapines bien tost le troubleront.

37 De ce grand nombre que lon enuoyera
Pour secourir dans le fort assiegés,
Pette & famine tous les deuorera
Hors mis septante qui seront proſſigés.

38 Des condamnés fera fait vn grand nombre
Quand les monarques seront concilies:
Mais a l'vn d'eux viendra si malencontre
Que guerres ensemble ne seront raliés.

39 Vn an deuant le conflit Italique,
Germain, Gaulois, Helpagnols pour le fort:
Cherra l'escolle maison de republique,
Ou, hors mis peu, seront suffoqués morrs.

40 Vn peu apres non point longue interualle.
Par mer & terre sera fait grand tumulte,
Beaucoup plus grande sera pugne nauale,
Feus, animaux, qui plus feront d'insulte.

41 La grand' estoile par sept iours brutlera,
Nuée fera deux soleils apparoir:
Le gros mattin toute nuit hurlera
Quand grand pontife changera de terrou.

42 Coq, chiens, & chats de sang seront repeus,
Et de la plaie du tyrant trouué mort,
Au liét d'un autre iambes & bras rompus,
Qui n'auoit peur mourir de cruel mort.

Durant

43 Durant l'estoy le cheueue apparente,
Les trois grās princes seront fait ennemis,
Frappes du ciel, paix terre tremulente.
Po, l'ymbre vndants, ser pant sus le bort mis.

44 L'aigle poufée en tour des paillions
Par autres oyleaux d'entour sera chafcée,
Quand bruit des cymbres, tubes & sonnaillō:
Rendront le sens de la dame iolentee.

45 Trop le ciel pleure l'Androgyn procrée,
Pres de ce ciel sang humain respandu,
Par mort trop tarde grand peuple recrée
Tard & tost vient le secours attendu.

46 Apres grād trouble humaī, plus grād s'aprest
Le grand mouteur les siecles renouuele.
Pluie, sang, lait, famine, fer, & peste
Au ciel veu, feu courant longue estincele.

47 L'ennemi grand viel dueil meurt de poison:
Les souuerains par infinis subiuguez.
Pierres plouuoir, caches sous la toison:
Par mort articles en vain sont alleguez.

- 48 La grand copie que passera les monts.
 Saturne en l'Arq tournant du poisson Mars
 Venins cachés sous testes de faulmons:
 Leurs chief pendu à fil de polemars.
- 49 Les conseilliers du premier monopole,
 Les conquerants leduits pour la Melite:
 Rodés, Bisance pour leurs exposant pole:
 Terre faudra les pourluiuants de suite.
- 50 Quād ceux d'Ainault, de Gād & de Brucelles
 Verront à Langres le siege deuant mis
 Derrier leurs flanez seront guerres crueles,
 La plaie antique sera pis qu'ennemis.
- 51 Le sang du iuste à Londres fera faute
 Brullés par fouldres de vint trois les six.
 La dame antique cherra de place haute:
 De mesme secte plusieurs seront occis.
- 52 Dans plusieurs nuits la terre tremblera:
 Sur le prins temps deux effors luite:
 Corynthe, Ephese aux deux mers nagera:
 Guerre s'esmeut par deux vaillans de luite.
 La gran

- 53 La grande peste de cite maritime
 Ne cessera que mort ne soit vengée
 Du iuste sang, par pris d'anne faus crime
 De la grand dame par seinte n'outraigée.
- 54 Par gent estrage, & de Romains loingtaine
 Leur grand cite apres eau fort troublee,
 Fille sans main trop different domaine,
 Prins chief, la reure n'auoir elle ribice.
- 55 Dans le conflict le grand qui peu valloyt,
 A son dernier fera cas merueilleux:
 Pendant qu'Hadrie verra ce qu'il falloyt,
 Dans ie banquet pongnale l'orgueilleux.
- 56 Que peste & glaive n'a peu seu definir
 Mort dans le puy, sormer du ciel frappé.
 L'abbe mourra quand verra ruiner
 Ceulx du naufrage l'esceit voulâr grapper
- 57 Auant conflict le grand mur tumbera:
 Le grad à mort, mort trop lubue & plainte:
 Nay imparfaict. la plus part nagera:
 Apres du fleue de sang la terre tainte.

- 58 Sans pied ne main par d'end ayguë & forte
 Par globe au fort de porc & laine nay:
 Pres du portail delloyal se transporte
 Silene luit, petit grand emmené.
- 59 Classe Gauloyse par apuy de grand garde
 Du grand Neptune, & ses tridents souldars
 Rougée Prouëce pour sostenir grand bade:
 Plus Mars Narbon. par iauelotz & dards.
- 60 La foy Punicque en Orient rompue
 Gang. Iud. & Rosne, Loyre, & Tag chan-
 Quand du mulet la faim sera repue, (geront,
 Classe espargie, sang & corps nageront.
- 61 Euge, Tamins, Gironde & la Rochele:
 O sang Troien! Mars au port de la fleche
 Derrier le fleuve au fort mise l'eschele,
 Pointes a feu gran meurtre sus la bresche.
- 62 Mabus puis tost alors mourra, viendra
 De gens & bestes vne horrible defaite:
 Puis tout à coup la vengeance on verra
 Cêt, main, soif, faim, quād courra la comete.
- Gaul

- 63 Gaulois, Aufone bien peu subiuguera.
 Po, Marne, & Seine fera Perme l'vrie
 Qui le grand mur contre eux dressera
 Du moindre au mur le grand perdra la vie.
- 64 Seicher de faim, de soif gent Geneuoise
 Espoir prochain viendra au detaillir,
 Sur point tremblant sera loy Gebenoise.
 Classe au grand port ne se peut acuilir.
- 65 Le parc enclin grande calamité
 Par l'hesperie & Insubre fera:
 Le feu en nef, peste & captiuité:
 Mercure en l'Arq Saturne senera.
- 66 Par grans dangiers le capuf echapé:
 Peu de temps grand la fortune changée.
 Dans le palais le peuple est attrapé
 Par bon augure la cité est assiegée.
- 67 Le blonde au nez forche viendra cōmeure
 Par le duelle & chassera dehors:
 Les exiles dedans fera remettre
 Aux lieux marins commetāt les plus fors.

68 De l'Aquilon les efforts seront grands:
Sus l'Ocean fera la porte ouuerte,
Le regne en l'isle sera reintegrand:
Tremblera Londres par voile descouuerte.

69 Le roy Gauloys par la Celtique dextre
Voiant discord de la grand Monarchie,
Sus les trois pars fera fleurir son sceptre,
Contre la cappe de la grand Hierarchy.

70 Le dard du ciel fera son extendue
Mors en parlant: grande execution.
La pierre en l'arbre, la fiere gent rendue,
Brut, humain monstre, purge expiation.

71 Les exilés en Secile viendront
Pour deliurer de faim la gent estrange:
Au point du iour les Celtes luy faudront:
La vie demeure a raison: roy le range.

72 Armée Celtique en Italie vexée
De toutes pars conflit & grande perte:
Romains suis, ô Gaule repoulsée.
Pres du Thesin, Rubicon pugne incerte.

Au

- 73 Au lac Fucin de Benac le riuage
Prins du Lemane au port de l'Orguion:
Nay de troys bras predict belluq image,
Par troys couronnes au grand Endymion.
- 74 De Sens, d'Autun viendrōt iusques au Roſne
Pour passer outre vers les monts Pyrenées:
La gent sortir de la Marque d'Anconne:
Par terre & mer le ſuiuira à grans trañces.
- 75 La voix ouye de l'infolit oyseau,
Sur le canon du respiral eſtaige,
Si haut viendra du froment le boisseau,
Que l'hōme d'hōme fera Anthropophage.
- 76 Foudre en Bourgoigne fera cas portēreux,
Que par engin ne pourroit faire
De leur ſenat ſacriſte ſur boiteux
Fera ſauoir aux ennemis l'affaire
- 77 Par arcs feuz poix & par feuz repouſſés:
Cris, hurlemens ſur la minuit ouys.
Dedans ſont mis par les ramparts caſſés
Par cunicules les traditeurs ſuis.

78 Le grand Neptune du profond de la mer
De gent Punique & sang Gauloys melle,
Les Isles à sang, pour le tardif ramer:
Plus luy nuira que l'occult mal celé.

79 La barbe crespé & noire par engin
Subiuguera la gent cruele & fiere.
Le grand CHYREN osterá du longin
Tous les capufs par Seline baniere.

80 Apres conflit du lesé l'eloquence
Par peu de temps se tramme faint repos:
Point l'on n'admet les grands à deliurance.
Les ennemis sont remis à propos.

81 Par feu du ciel la cité presque aduste:
L'Urne menasse encor Deucalion:
Vexée Sardaigne par la Punique fuste
Apres que Libra lairra son Phaëton.

82 Par faim la proye fera loup prisonnier
L'assaillant lors en extreme detresse.
Le nay auant au deuant le dernier,
Le grand n'eschappe au milieu de la presse.

Le

- 83 Le gros trafficq du grand Lyon change
 La plus part tourne en pristine ruine,
 Proye aux souldars par pille vendange
 Par Iuramont & Sueue bruine.
- 84 Entre Campaigne, Sienne, Flora, Tuscie
 Six moys neutz iours ne plouura vne goutte.
 L'estrange langue en terre Dalmaie
 Courira sus: vaultant la terre toute.
- 85 Le vieux plain barbe sous l'estatut seuer,
 A Lyon fait dessus l'Aigie Celtique:
 Le petit grand trop outre perseuer:
 Bruit d'arme au ciel: mer rouge Lygustique.
- 86 Naufrage a classe pres d'onde Hadriatique:
 La terre elmeue sus l'air en terre mis:
 Egypte tremble augment Mahommeique
 L'Herault soy rendre à crier est comois.
- 87 Apres viendra des extremes conuérés
 Prince Germain sus le throsne doré
 La seruitude & eaux rencontres
 La dame serue, son temps plus n'adoré.
- e iiij

- 88 **Le circuit du grand faict ruineux**
 Le nom septiesme du cinquiesme sera:
 D'vn tiers plus grand l'estrange belliqueux.
 Monton, Lutece, Aix ne garantira.
- 89 **Du iou seront demis les deux grãdz maistres**
 Leur grand pouuoir se verra augmenté:
 La terre neufue sera en ies haults estres:
 Au sanguinaire le nombre racompté.
- 90 **Par vie & mort changé regne d'Ongrie:**
 La loy sera plus aspre que seruice,
 Leur grand cite d'vrlemets plainéts & crie:
 Castor & Pollux ennemis dans la lyce.
- 91 **Soleil leuant vn grand seulon verra**
 Bruit & clarté vers Aquilon tendant:
 Dedans le rond mort & cris lont orra
 Par glaue, feu, faim, mort les attendants.
- 92 **Feu couleur d'or du ciel en terre veu:**
 Frappe du hault, nay, fait cas merueilleuz:
 Grad meurtre humain pris du grãd le nepueu,
 Mort d'expectacles eschappe l'orgueilleux.
- Bien

93 Bien pres du Tymbre presse la Libytine:
Vng peu deuant grand inundation:
Le chef du nef prins, mis a la sentine:
Chateau, palais en conflagration.

94 GRAN. Po, grād mal pour Gauloys receura,
Vaine terreur au marin Lyon:
Peuple infini par la mer passera,
Sans eschapper vn quart d'vn milion.

95 Les lieux peuples seront inhabitables:
Pour champs auoir grande diuision:
Regnes liurés a prudens incapables:
Lors les grands freres mort & diuision.

96 Flambeau ardent au ciel soir sera veu
Pres de la fin & principe du Rusne:
Famine, glaiue: tard le secours pourueu,
La Perse tourne enuahur Macedoine.

97 Romain Pontife garde de t'approcher
De la cité qui deux fleues arrouse,
Ton sang viendras au pres de la cracher,
Toy & les tiens quand fleurira la rose.

98 Celuy du sang resperfe le vilaigne
De la victime proche sacrifiée:
Tonant en Leo augure par presaigne:
Mis estre à mort lors pour la fiancée.

99 Terroir Romain qu'interpretoit augure,
Par gent Gauloyse sera par trop vexée:
Mais nation Celtique craindra l'heure,
Boreas, classe trop loing l'auoir poussée.

100 Dedans les isles si horrible tumulte,
Rien on n'orra qu'une bellique brigade,
Tant grand sera des predateurs l'insulte,
Qu'on se viendra ranger à la grand ligue.





PROPHETIES

DE

M. NOSTRADAMVS.

CENTVRIE TIERCE.



1 PRES combat & bataille
le nauale,
Le grand Neptune à son
plus hault beffroy,
Rouge auersaire de fraieur
viendra passe,
Metant le grand ocean en effroy.

2 Le diuin verbe donrra à la sustance
Cōpris ciel terre, or occult au fait mystique
Corps, ame, esprit aiant toute puissance,
Tant sous ses pieds, cōme au siege celique.

f ij

- 3 Mars & Mercure & l'argét joint ensemble
Vers le midi extreme siccité:
Au fond d'Asie on dira terre tremble,
Corinthe, Ephese lors en perplexité.
- 4 Quād seront proches le defaut des lunaires,
De l'vn a l'autre ne distant grandement,
Froid, siccité, danger vers les frontieres,
Mesmes ou l'oracle a prins commencement.
- 5 Pres, loing defaut de deux grand luminaires
Qui suruiendra entre l'Auril & Mars.
O quel cherté! mais deux grands debonaires
Par terre & mer secourront toutes pars.
- 6 Dans temples clos le foudre y entrera.
Les citadins dedans leurs forts greués:
Cheuaux, beufs, hōmes. l'ode mur touchera,
Par faim, soit sous les plus foibles arnés.
- 7 Les fuitifs, feu du ciel sus les piques:
Conflit prochain des corbeaux s'esbatans,
De terre on crie aide secour celiques,
Quand pres des murs seront les combatans

8 Les Cimbres joints avecques leurs voisins,
Depopuler viendront presque l'Espaigne:
Gents amassés Guienne & Limosins
Seront en ligue, & leur feront compaignie.

9 Bourdeaux, Rouen & la Rochele joints
Tiendront au tour la grand mer oceane:
Anglois, Bretons & les Flamans conioints
Les chasseront iulques au-pres de Roane

10 De sang & faim plus grande calamité
Sept fois s'apreste à la marine plage,
Monech de faim, lieu prins, captiuité,
Le grand mené croc en ferrée caige.

11 Les armes batre au ciel longue saison,
L'arbre au milieu de la cité tumbé:
Vermine, rongne, glaiue en face tyson,
Lors le monarque d'Hadrie succombé.

12 Par la tumeur de Heb.Po, Tag. Timbre &
Et par l'estang Leman & Aretin, (Roane
Les deux grans chefs & cites de Garonne
Prins, morts, noies. Partir humain butin.

- 13 Par foudre en l'arche or & argent fondu:
Des deux capufs l'vn l'autre mangera:
De la cité le plus grand estendu,
Quand submergée la classe nagera.
- 14 Par le rameau du vaillant personage
De France infime: par le pere infelice
Honneurs, richesses travail en son viel aage
Pour auoir creu le conseil d'homme nice.
- 15 Cueur, vigeur, gloire le regne changera
De tous points contre aiant son aduerfaire.
Lors France enfance par mort subiuguera.
Le grand regent sera lors plus contraire.
- 16 Le prince Anglois Mars à son cueur de ciel
Voudra pourluiuere la fortune prospere,
Des deux duelles l'vn percera le ciel:
Hay de lui, bien aymé de la mere.
- 17 Mont Auentine brusler nuit sera veu:
Le ciel obscur tout à vn coup en Flandres,
Quand le monarque chassera son nepueu:
Leurs gés d'Eglise cōmetront les esclādes

- 18 Apres la pluie laict alsés longuete,
 En plusieurs lieux de Reins le ciel touché
 Helasquel meurtre de sang pres d'eux s'apre
 Peres & filz rois n'oseront aprocher. (Ite.
- 19 En Luques sang & laiët viendra plouuoir:
 Vn peu deuant changement de preteur,
 Grād peste & guerre, faim & soif fera voyr
 Loing, ou mourra leur prince reëeur.
- 20 Par les contrées du grand fleuue Bethique
 Loing d'Ibere, au regne de Granade,
 Croix repousees par gens Mahumeriques
 Vn de Cordube trahura la contrade.
- 21 Au crustamin par mer Hadriatique
 Apparoistra vn horride poisson,
 De face humaine, & la fin aquatique,
 Qui se prendra dehors de l'ameçon.
- 22 Six iours l'assaut deuant cité donné:
 Liurée sera forte & aspre bataille:
 Trois la rendront & à eux pardonnés
 Le reste a feu & sang tranche traillie.
- f iij)

- 23 Si France passés outre mer Iyguistique,
 Tu te verras en isles & mers enclos:
 Mahómet cõtraire: plus mer Hadriatique:
 Cheuaux & d'asnes tu rougeras les os.
- 24 De l'entreprinse grande confusion,
 Perte de gens, threfor innumerable:
 Tu ny dois faire encor extension
 France a mon dire fais que sois recordable.
- 25 Qui au royaume Nauarrois paruiendra
 Quand de Secile & naples seront ioints:
 Bigorre & Landes par Foyx Loron tiendra,
 D'vn qui d'Helspaigne sera par trop cõioint
- 26 Des rois & princes dresseront simulacres,
 Augures, creuz esteués aruspices:
 Corne, victime d'orée, & d'azur, d'acre:
 Interpretés seront les exúspices.
- 27 Prince Libyque puissant en Occident
 Francois d'Arabe viendra tant enflammer:
 Scauans aux lettres fera condescendent,
 La langue Arabe en Francois translater.

De

- 18 De terre foible & pauvre parentele,
 Par bout & paix paruiendra dans l'empire.
 Long temps regner vne ieune femelle,
 Qu'oncq en regne n'en furuint vn si pire.
- 19 Les deux nepueus en diuers lieux nourris:
 Nauale pugne, terre, peres tumbés
 Viendront si haut elleues enguerris
 Venger l'iniure ennemis succombés.
- 20 Celuy qu'en luite & fer au fait bellique,
 Aura porté plus grand que lui le pris,
 De nuit au lit fix lui feront la pique,
 Nud fans harnois tubit fera surpris.
- 21 Aux châps de Mede, d'Arabe & d'Armenie,
 Deux grands copies trois foys s'assemblerôt:
 Pres du riuage d'Araxes la melnie,
 Du grand Solman en terre tomberont.
- 22 Le grand sepulcre du peuple Aquitanique
 S'aprochera aupres de la Toulquane,
 Quâd Mars sera pres du coing Germanique,
 Et au terroir de la gent Mantuane.

- 33 En la cité ou le loup entrera,
 Bien pres de là les ennemis seront:
 Copie estrange grand pais gastera.
 Aux murs & Alpes les amis passeront.
- 34 Quand le defaut du soleil lors sera,
 Sus le plain iour le monttre sera veu:
 Tout autrement on l'interpretera.
 Cherté n'a garde: nul ny aura pourueu.
- 35 Du plus profond de l'Occident d'Europe,
 De pauvres gens vn ieune enfant nailtra,
 Qui par sa langue seduira grande troupe:
 Son bruit au regne d'Orient plus croitra.
- 36 Enseveli non mort apoplectique
 Sera trouue auoir les mains mangées:
 Quand la cité dannerà l'heretique,
 Qu'auoit leurs loys si leur sembloit chagées.
- 37 Auant l'assaut oraison prononcée:
 Milan prins d'aigle par embusches deceuz:
 Muraille antique par canons enfoncée,
 Par feu & sang à mercy peu receuz.

La gent

38 La gent Gauloise & nation estrange
Outre les monts, morts prins & profligés:
Au mois contraire & proche de vendange
Par les seigneurs en accord rediges.

39 Les sept en trois mis en concorde
Pour subieguer des alpes Apennines:
Mais la tempeste & Ligure couarde
Les profligent en subites ruines.

40 Le grand theatre se viendra redresser:
Le diez geté, & les rets ia tendus.
Trop le premier en glaz viendra laisser,
Par arcs protraits de long temps ia tendus.

41 Boffeu sera esleu par le conseil,
Plus hi deux montire en terre n'aperceu.
Le coup volant prelat creuera l'œil:
Le traître au roy pour fidele receu.

42 L'enfant naistra à deux dents à la gorge
Pierres en Tulerie par pluie tomberont:
Peu d'ans apres ne sera bled, ne orge.
Pour saouler ceux qui de tain failliront.

- 43 Gents d'alentour de Tarn, Loth, & Garône,
Gardés les monts Apennines passer,
Vostre tombeau pres de Rome & d'Ancône
Le noir poil crespé fera trophée dresser.
- 44 Quand l'animal à l'homme domestique
Après grâds peines & faults viendra parler:
Le foudre à vierge sera si maleñcque,
De terre prinse, & suspendue en l'air.
- 45 Les cinq estranges entrés dedans le temple,
Leur sang viendra la terre prophaner:
Aux Thoulousains sera bien dur exemple
D'un qui viendra les loys exterminer.
- 46 Le ciel (de Plancus la cité) nous prefaige
Par clairs insignes & par estoiles fixes,
Que de son change subit s'aproche l'aage,
Ne pour son bien, ne pour les maleñces.
- 47 Le vieux monarque deschassé de son regne
Aux Orients son secours ira querre:
Pour peur des croix pliera son enseigne:
En Mitilene ira pour port et terre.

Sept

- 48 Sept cents captifs estaches rudement
Pour la moitié meurtrir, donné le sort,
Le proche espoir viendra si promptement,
Mais non si tost qu'une quinzieme mort.
- 49 Regne Gauloys tu seras bien change:
En lieu estrange est translaté l'empire
En autres meurs, & loys seras rangé:
Rouan & Chartres te feront bien du pire.
- 50 La republicque de la grande cité
A grand rigueur ne voudra consentir:
Roy sortir hors par trompete cité
L'eschele au mur, la cité repentir.
- 51 P A R I S cōiure vn grand meurtre cōmetre,
Bloys le fera sortir en plain effet:
Ceux d'Orleans voudrôt leur chef remettre,
Angiers, Troye, l'Agres leur serôt grand for fait.
- 52 En la Campaigne sera si longue pluie,
Et en la Pouile si grande siccité.
Coq verra l'aigle, i'aelle mal accomplie:
Par Lyon mise sera en extremité.

- 53 Quand le plus grand emportera le pris
 De Nuréberg d'Auspurg, & ceux de Basse
 Par Aggripine chef Francqfort repris
 Transuerferót par Flamans iusques en Gale.
- 54 L'un des plus grands fuira aux Hespaignes,
 Qu'en longue plaie apres viendra saigner.
 Passant copies par les hautes montaignes
 Deuastant tout & puis en paix regner.
- 55 En l'an qu'un oeil en France regnera,
 La court sera à vn bien fascheux trouble:
 Le grand de Bloys son ami tuera:
 Le regne mis en mal & doute double.
- 56 Montauban, Nismes, Auignon, & Besier,
 Peste, tonnerre & gresle à fin de Mars:
 De Paris pont, Lyon mur, Montpellier,
 Depuis six cent & sept xxiii. pars.
- 57 Sept foys changer verrés gent Britannique
 Taintz en sang en deux cent nonante an:
 Franche non point par apui Germanique.
 Aries doute son pole Bastarnan.

Aupres

58 Aupres du Rin des montaignes Noriques
Naistra vn grand de gentis trop tart venu,
Qui defendra SA VROME & Pannoniques,
Qu'on ne saura qu'il sera deuenu.

59 Barbare empire par le tiers vsurpé
La plus grād part de son sang metra à mort:
Par mort senile par luy le quart frapé,
Pour peur que sang par le sang ne soit mort.

60 Par toute A sie grande proscription,
Melmes en My sie, Ly sie & Pamphylie:
Sang versera par absolution
D'un ieune noir rempli de felonnie.

61 La grande bande & secte crucigere
Se dressera en Mesopotamie:
Du proche fleuee compaignie legiere,
Que telle loy tiendra pour ennemie.

62 Proche del duero par mer Tyrrene close
Viendra percer les grands monts Pyrenées.
La main plus courte & la percée gloze,
A Carcassonne conduira les menées

- 63 Romain pouuoir fera du tout abas,
 Son grand voy sin imiter les vestiges:
 Occultes haines ciuiles, & debats
 Retarderont aux bouffons leurs folligges.
- 64 Le chef de Perse remplira grande ΟΛΧΑΔΕ,
 Classe trireme contre gent Mahumetique
 De Parthe, & Mede: & piller les Cyclades:
 Repos long temps au grand port Ionique.
- 65 Quand le sepulcre du grād Romain trouué,
 Le iour apres sera esleu pontife,
 Du senat gueres il ne sera prouué
 Empoisonné ton sang au sacré scyphe.
- 66 Le grand baillif d'Orleans mis à mort
 Sera par vn de sang vindicatif:
 De mort merite ne mourra, ne par sort:
 Des pieds & mains mal le faisoit captif.
- 67 Vne nouuele secte de Philosophes
 Mespriant mort, or, honneurs & richesses,
 Des monts Germains ne seront limitrophes:
 A les ensuiure auront apui & presses.
- Peuple

- 68 Peuple sans chef d'Espagne & d'Italie
Morts, profligés dedans le Cherronneſſe:
Leur duy ét irahi par legiere folie
Le ſang nager par tout à la trauerſe.
- 69 Grand exercite conduiét par iouuenceau,
Se viendra rendre aux mains des ennemis:
Mais le viellard nay au demi pourceau,
Fera Chalon & Maſcon eſtre amis.
- 70 La grand Bretagne comprinſe l'Angleterre
Viendra par eaux ſi hault à inunder
La ligue neufue d'Aufonne fera guerre,
Que cõtre eux meſmes il ſe viendrõt bâder
- 71 Ceux dans les iſles de long temps aſſiegés
Prendront vigueur force contre ennemis:
Ceux par dehors morts de faim profligés,
En plus grand faim que iamais ſeront mis.
- 72 Le bon viellard tout viſ enſeueli,
Pres du grand fleuve par fauce ſouſpeçon:
Le nouveau vieux de riſſeſſe ennobli
Prins au chemin tout l'or de la rançon.
- h

- 73 Quand dans le regne paruiendra le boiteux
Competiteur aura proche bastard:
Luy & le regne viendront si fort rogneux,
Qu'ains qu'il guerisse son fait sera bien tard.
- 74 Naples, Florence, Fauence & Imole,
Seront en termes de telle facherie,
Que pour cōplaire aux malheureux de Nol
Plainct d'auoir fait à son chef moquerie. (le,
- 75 P A V. Veronne, Vicence, Sarragouffe
De glaifues loings terroirs de sang humides.
Peste si grande viendra à la grand gouffe
Proches secours, & bien loing les remedes.
- 76 En Germanie naistron: diuerfes sectes,
S'approchans fort de l'heureux paganisme,
Le cueur captif & petites receptes,
Feront retour à payer le vray disme.
- 77 Le tiers climat soubz Aries compris
Lan mil sept cens ving: & sept en Octobre,
Le roy de Perse par ceux d'Egypte prins:
Cōflict, mort, pte: à la croix grād opprobre.
Le

78 Le chef d'Escoffe avec six d'Allemagne
Par gens de mer Orientaux captifs,
Transuerferont le Calpre & Hespagne
Present en Perse au nouveau roy craintif.

79 L'ordre fatal sempiternel par chaisne
Viendra tourner par ordre consequent:
Du port Phocen sera rompue la chaisne:
La cité prinse, l'ennemi quand & quand.

80 Du regne Anglois l'indigne deschassé,
Le conseillier par ire mis à feu:
Ses adherans iront si bas tracer,
Que le bastard sera demi receu.

81 Le grand criard sans honte audacieux,
Sera esleu gouuerneur de l'armée:
La hardiesse de son contentieux,
Le pont rompu, cité de peur pasmée:

82 Freins, Antibol, villes au tour de Nice,
Seront vastées fer, par mer & par terre:
Les fauterelles terre & mer vent propice,
Pris, morts, troussés, pillés sans loy de guerre.

- 83 Les lons cheueux de la Gaule Celtique
 Accompagnés d'estranges nations,
 Metront captif la gent Aquitanique,
 Pour succomber à internitions.
- 84 La grand cité sera bien desolée
 Des habitans vn seul ny demeurra:
 Mur, sexe, temple, & vierge violée
 Par fer, feu, peste, canon peuple mourra.
- 85 La cité prinse par tromperie & fraude,
 Par le moyen d'vn beau ieune atrapé:
 L'affaut donné Koubine pres de l' A V D E
 Luy & tous morts pour auoir bien trôpé.
- 86 Le chef d'Aufonne aux Hespagnes ira
 Par mer fera arrest dedans Marseille:
 Auant sa mort vn long temps languira:
 Apres sa mort lon verra grand merueille:
- 87 Classe Gauloyse n'aproches de Corseigne
 Moins de l'ardaigne, tu t'en repentiras
 Trestous mourres frustrés de laide Grogne
 Sang nagera: captif ne me croyras.

De

- 18 De Barcelonne par mer si grand armee,
Toute Marseille de frayeur tremblera:
Isles saisies de mer aide fermée,
Ton traditeur en terre nagera.
- 19 En ce temps la sera frustré Cypres
De son secours, de ceux de mer Egée:
Vieux trucidés: mais par masses & lyphres
Seduiçt leur roy, royne plus outragée.
- 20 Le grand Satyre & Tigre de Hyrcanie,
Don presente à ceux de l'Ocean:
Le chef de classe istra de Carmanie
Qui prendra terre au Tyrren Phocœan.
- 21 L'arbre qu'auoit par l'og temps mort seché,
Dans vne nuit viendra a reuerdir:
Cron.roy malade, prince pied estaché
Craint d'ennemis fera voile bondir.
- 22 Le monde proche du dernier periode,
Saturne encor tard sera de retour:
Translat empire deuers nation Brodde:
L'œil arraché à Narbon par Autour.

93 Dans Auignon tout le chef de l'empire
Fera arrest pour Paris desolé:
Tricast tiendra l'Annibalique ire:
Lyon par change sera mal consolé.

94 De cinq cent ans plus compte lon tiendra
Celuy qu'estoit l'ornement de son temps:
Puis à vn coup grande clarté donrra
Que par ce siecle les rendra trescontens.


95 La loy Moricque on verra defaillir:
Après vne autre beaucoup plus seductiue,
Boristhenes premier viendra faillir:
Pardons & langue vne plus attractiue.

96 Chef de FOVSSAN aura gorge couper
Par le ducteur du limier & leurier:
Le faict patré par ceux du mont TARPÉE
Saturne en Leo XIII. de Feurier.

97 Nouvelle loy terre neufue occuper
Vers la Syrie, Iudee, & Palestine:
Le grand empire barbare corruer,
Auant que Phebes son siecle determine.

Deux

- 98 Deus royals freres si fort guerroyeront
Qu'entre eux sera la guerre si mortelle,
Qu'vn chacun places fortes occuperont:
De regne & vie sera leur grand querelle.
- 99 Aux cháps herbeux d'Alcí & du Varneigne,
Du mont Lebron proche de la Durance,
Camp de deux pars confliét sera sy aigre:
Mesopotamie defallira en la France.
- 100 Entre Gaulois le dernier honoré.
D'homme ennemi sera victorieux:
Force & terroir en moment exploré,
D'vn coup de trait quand mourra l'enuieux.
- h iij





PROPHETIES
DE
M. NOSTRADAMVS.

CENTVRIE QUARTE.



1



E L A du reste de sang non
espandu:

Venise quiert secours estre
donné:

Après auoir bien long temps
attendu.

Cité liurée au premier corn sonnè.

2 Par mort la France prendra voyage à faire
Classe par mer, marcher monts Pyrenées,
Hespagne en trouble, marcher gèt militaire:
Des plus grand dames en Frâce emmenées.

De

3 D'Arras & Bourges, de Brodes grās ēleignes
Vn plus grand nôbre de Gascôs batre à pied,
Ceux lōg du Rosne saignerōt les Espaignes:
Proche du mont ou Sagonte s'assied.

4 L'importēt price faché, plainētz & quereles.
De raptz & pillés par coqz & par libyques:
Grand est par terre, par mer infinies voiles,
Seure Italie sera chassant Celtiques.

5 Croix, paix, sous vn accompli diuin verbe,
L'Espaigne & Gaule seront vnis ensemble.
Grand clade proche, & combat tresacerbe:
Cueur si hardi ne sera qui ne tremble.

6 D'habits nouveaux apres faicte la treuve,
Malice tramme & machination:
Premier mourra qui en fera la preuve
Couleur venise infidiation.

7 Le mineur filz du grand & hay prince,
De lepre aura à vingt ans grande tache:
De dueil sa mere mourra biē triste & mince.
Et il mourra la ou tombe chez lache.

- 8 La grād cité d'assaut prompt repentin
 Surprins de nuit, gardes interrompus
 Les excubies & veilles saint Quintin
 Trucidés, gardes & les pourtails rompus.
- 9 Le chef du camp au milieu de la presse
 D'vn coup de fleche sera bleisé aux cuisses,
 Lors que Geneue en larmes & detresse
 Sera trahie par Lozan & Souyffes.
- 10 Le ieune prince accusé faulcement
 Metra en trouble le camp & en querelles:
 Meurtri le chef pour le soustenement:
 Sceptre apaiser: puis guerirescroueles.
- 11 Celuy qu'aura gouuert de la grand cappe
 Sera induit a quelque cas patrer:
 Les XII. rouges viédrôt souiller la nappe
 Sous meurtre, meurtre se viendra perpetrer
- 12 Le camp plus grand de route mis en suite,
 Guerres plus outre ne sera pourchafsé:
 Ost recampé, & legion reduicte
 Puis hors des Gaules du tout sera chassé.
 De plus

- 13 De plus grand perte nouvelles raportées,
 Le raport fait le camp s'estonnera:
 Bandes vnies encontre reuoltées:
 Double phalange grand abandonnera.
- 14 La mort subite du premier personnaige
 Aura changé & mis vn autre au regne:
 Tost, tard venu à si haut & bas aage,
 Que terre & mer faudra que lon le craigne.
- 15 D'ou pensera faire venir famine,
 De la viendra le ressasiement:
 L'œil de la mer par auare canine
 Pour de l'vn l'autre dourra huyle, froment.
- 16 La cité franche de liberté fait serue:
 Des profligés & refueurs fait asyle.
 Le roy change à eux non si proterue:
 De cent se ront deuenus plus de mille.
- 17 Changer à Beaune, Nuy, Chalōs & Digeon
 Le duc voulant amander la Barrée
 Marchât pres fleuue, poisson, bec de plôgeō,
 Verra la queue: porte sera ferrée.

- 18 Des plus lettrés dessus les faits celestes
Seront par princes ignorants repprouvés:
Punis d'Édit, chassés, comme scelestes,
Et mis à mort la ou seront trouués.
- 19 Deuant ROVAN d'Insubres mis le siege,
Par terre & mer enfermés les passages.
D'Haynault, & Flandres, de Gand & ceux de
Par dons lances rauront les riuages. (Liege
- 20 Paix vberté long temps lieu louera
Par tout son regne desert la fleur de lis:
Corps morts d'eau, terre la lon apotera,
Sperans vain heur d'estre la enteuellis.
- 21 Le changement sera fort difficile:
Cite, prouince au change gain fera:
Cueur haut, prudent mis, chassé lui habile.
Mer, terre, peuple son eitat changera.
- 22 La grand copie qui sera deschassée,
Dans un moment fera besoing au roy:
La foy promise de loing sera fauscee
Nud se verra en piteux desarrooy.

23 La legion dans la marine classe
Calcine, Magnes soulfhre, & poix bruslera:
Le long repos de l'asseurée place:
Port Selyn, Hercle feu les consumera.

24 Ouy sous terre sainte d'ame, voix faincte,
Humaine flamme pour diuine voyr luire,
Fera des feuls de leur sang terre tainte
Et les saints tēples pour les impurs destruire.

25 Corps sublimes sans fin à l'œil visibles
Obnubiler viendront par les raisons:
Corps, front comprins, sens, chief & inuisi-
Diminuant les sacrées oraisons. (bles,

26 Lou grand eyssame se leuera d'abelhos,
Que non sauran don te siegen venguddos
Denuesch l'ēbousq; lou gach dessous las trei-
Cieutat trahido p cinq légos nô nudos (lhos

27 Salon, Mansol, Tarascon de S E X. l'arc,
Ou est debout encor la pyramide,
Viendront liurer le prince Dannemarc
Rachat honni au temple d'Artemide.

- 28 Lors que Venus du sol sera couuert,
 Souz l'esplendeur sera forme occulte,
 Mercure au feu les aura descouert
 Par bruit bellique sera mis à l'insulte.
- 29 Le sol caché eclipse par Mercure
 Ne sera mis que pour le ciel second.
 De Vulcan Hermes sera faite pasture:
 Sol sera veu pur rutilant & blond.
- 30 Plus xi. fois D. O. ne voudra,
 Tous augmentés & baillés de degré:
 Et si bas mis que peu or lon coudra:
 Qu'après faim, peste descouert le secret.
- 31 La lune au plain de nuit sus le haut mont,
 Le nouveau sophe d'un seul cerueau la veu:
 Par ses disciples estre immortal semond
 Yeux au mydi. En seins mains, corps au feu.
- 32 Es lieux & temps chair au poiss. donrra lieu.
 La loy commune sera faiète au contraire:
 Vieux tiendra fort, puis oste du milieu
 Le πάρα κείνα φιλῶν mis fort arriere.

Juppiter

33 Iuppiter ioint plus Venus qu'à la Lune
Apparoissant de plénitude blanche:
Venus cachée sous la blancheur Neptune,
De Mars frappé par la grande branche.

34 Le grand mené captif d'estrange terre,
D'or enchainé au roy CHYREN offert,
Qui dans Aulonne, Millà perdra la guerre,
Et tout son ost mis à feu & à fer.

35 Le feu estaint, les vierges trahiront
La plus grand part de la bande nouvelle:
Fouldre à fer, lance les seuls roy garderont:
Erusque & Corie, de nuit gorge allumelle.

36 Les lieux nouveaux en Gaule redressés,
Après victoire de l'insubre champaigne:
Monts d'Esperie, les grands liés, trouffés:
De peur trébler la Romaigne & l'Espaigne.

37 Gaulois par faults, monts viendra penetrer:
Occupera le grand lieu de l'insubre:
Au plus profond son ost fera entrer:
Genes, Monech pousseront classe rubre.

- 38 Pendant que duc, roy, royne occupera
 Chef Bizant dn captif en Samothrace:
 Avant l'assaut l'un l'autre mangera:
 Rebours ferré luyura du sang la trasse.
- 39 Les Rodiens demanderont secours
 Par le neglet de ses hoys delaisée.
 L'empire Arabe reualera son cours
 Par Hesperies la cause redressée.
- 40 Les forteresses des assieges sarrés
 Par poudre à feu profondés en abyssme:
 Les proditeurs seront tous vifs ferrés
 Onc aux sacristes n'auint si piteux scissime.
- 41 Gymnique sexe captiue par hostaige
 Viendra de nuit custodes deceuoyr:
 Le chef du camp deceu par son langaige
 Lairra a la gente, fera piteux a voyr.
- 42 Geneue & Langres par ceux de Chartres &
 Et par Grenoble captif au Môtlimard (Dolle
 Seyssel, Lofanne par fraudulente dole,
 Les trahiront par or soyxante marc.
- Seront

- 43 Seront oys au ciel les armes barre:
 Celuy au mesme les diuins ennemis
 Voudront loix saintes iniustemēt de barre
 Par foudre & guerre biē croyās à mort mis.
- 44 Lous gros de Mende, de Roudés & Milhau
 Cahours, Limoges, Castres malo, sepmano
 De nuech l'intrado, de Bourdeaux vncailhau
 Par Perigorr au toc de la campano.
- 45 Par conflit roy, regne abandonera:
 Le plus grand chef fallira au besoing:
 Mors profligés peu en rechapera,
 Tous destranches, vn en sera tesmoing.
- 46 Bien defendu le fai & par excelence,
 Garde toy Tours de ta proche ruine.
 Londres & Nantes par Reims fera defense
 Ne pases outre au temps de la bruine.
- 47 Le noir farouche quand aura essayé
 Sa main sanguine par feu, fer, arcs tendus:
 Trestout le peuple sera tant effrayé:
 Voyr les plus grads par col & pieds pendus.

48 Plannure Ausonne fertile, spacieuse
Produira taons si trestant sauterelles:
Cluré solaire deuiendra nubileuse,
Ronger le tout, grand peste venir d'elles.

49 Deuant le peuple sang sera respandu
Que du haut ciel ne viendra eslogner:
Mais d'vn long temps ne sera entendu
L'esprit d'vn seul le viendra tesmoignes.

50 Libra verra regner les Hesperies,
Deciel, & terre tenir la monarchie:
D'Asie forces nul ne verra peries
Que sept ne tiennent par rang la hierarchie

51 Le duc cupide son ennemi ensuiure
Daus entrera empeschant sa phalange:
Astes à pied si pres viendront poursuiure,
Que la journée confliite pres de Gange

52 La cité obsesse aux murs hômes & femmes
Ensemis hors le chef prestz à soy rendre
Vent sera fort encontre les gent-darmes:
Chaisés seront par chaux, poulsiere & cédre.

Les

53 Les fuitifs & bannis reuoqués:
Peres & filz grand garnisent les hauts puidz:
Le cruel pere & les siens suffoqués:
Son filz plus pire submergé dans le puis.

F I N.

*Ce present liure a esté acheué d'imprimer
le 1111. iour de Mai M. D. LV.*

k ij

